

## ԱՆԲԱԽՏ ՎԱՃԱՌԱԿԱՆՆԵՐ

- Մի օր Ձըղջիկն ու Ճայն եկան  
Թե՛ ե՛կ դառնանք վաճառական:  
Ասին ու խելք խելքի տըվին,  
Հավան կացան, պայման դրին.  
5 Բայց՝ արի տես... որ փող չունեն:  
Շատ միտք արին, թե ինչ անեն,  
Վերջը եկան Փըշի մոտը,  
Ընկան նըրա ձեռն ու ոտը,  
Ու մուրհակով,  
10 Շահով, կարգով,  
Փող վեր առան բավականին,  
Ինչքան պետք էր իրենց բանին:
- Ձիղջը մընաց, տընպահ դառավ,  
Ճայը բոլոր փողերն առավ,  
15 Առավ, նըստեց նավի միջին,  
Հասավ Մըսըր, Ձինումաչին,  
Ֆարս, Հընդըստան,  
Արաբըստան...  
Է՛լ թանկագին քիրմանի շալ,  
20 Է՛լ մարգարիտ, զըմրուխտ ու լալ,  
Հընդու խուրմա, փըստա, բադամ,  
Եվ... որ մեկի անունը տամ.  
Ինչ որ տեսավ, աչքը սիրեց,  
Առատ-առատ նավը լըցրեց.  
25 Նավը լըցրեց հազար բարով  
Ու ետ՝ եկած ճանապարհով  
Ուրախ-ուրախ տուն էր գալի:  
Ճամփին ծովում սարսափելի  
Ալեկոծում, մըրրիկ ելավ,

- 30 Զարկեց, տարավ ապրանք ու նավ:  
Միայն սովդաքյար\* ճայը էնօր  
Ազատվեցավ մերկ ու տրկկոր:  
Ազատվեցավ — փառք իր Ասծուն,  
Բայց ի՞նչ սըրտով խեղճը գա տուն.
- 35 Գա — ի՞նչ ասի պարտքատերին,  
Ո՞նց երևա իր ընկերին...  
Ընկերն էնտեղ՝ դուռը կըտրած,  
Աչքը ճամփին, վիզը ծըռած,  
Համրում է օրն օրի վըրա,
- 40 Թե՛ մեր ճայը երբ պիտի գա...  
Երկար նայեց,  
Ճամփեն պահեց,  
Շատ լավ ու վատ երազ տեսավ,  
Մինչև պարտքի օրը հասավ,
- 45 Ու՛ մուրհակի թուղթը ձեռին,  
Փուշը տընկվեց կըտեր ծերին:  
— Է՛յ, բարեկամ, ի՞նչ բանի եք.  
Էլ չեք ասում թե պարտք ունեք...  
Գործ բըռնեցիք, հորս ողորմի,
- 50 Ետ տվեք դե փողըս հիմի:  
Թուղթ եք տըվել՝ վախտ իմացեք,  
Ամոթ, աբուռ, ահ ունեցեք...  
Թալան հո չի՞... մեղք եմ ես էլ...  
Ախպե՛ր, էսպես բա՞ն եք տեսել.
- 55 Ոսկի տա մարդ իրեն ձեռով,  
Զըկարենա առնի զոռո՞վ...  
Սրանից հետո դե արի դու  
Ու ձեռ մեկնի աղքատ մարդու...

---

\*վաճառական

- Գոռգոռում էր ողջ թառակում,  
 60 Հայհոյում էր, խայտառակում。  
 Ամեն մարդ էլ, ով որ լրսում,  
 Հենց մի բերան էն էր ասում。  
 — Այ՛ ամոթ ձեզ, Չըղջիկ ու Ճայ,  
 Ի՛նչ ենք լրսում. — վա՛յ, վա՛յ, վա՛յ, վա՛յ.  
 65 Անուններդ վաճառական,  
 Ու էս տեսակ խայտառակ բա՛ն...  
 Վա՛յ, վա՛յ, վա՛յ, վա՛յ,  
 Չըղջիկ ու Ճայ...  
 Չըղջիկն էսպես միշտ լրսելիս  
 70 Միրտը բերնով դուրս էր գալիս:  
 Բարկանում էր իրեն մըտքում,  
 Անիծում էր, չըքում, թըքում。  
 — Այ՛ քու տունը քանդվի, ա՛՛ Ճայ,  
 Այ՛ դու դառնաս գըրողի փայ.  
 75 էս ի՛նչ բան էր, որ դու արիր,  
 Գլուխս էս ի՛նչ փորձանք բերիր...  
 Ու խընդրում էր ամեն անգամ。  
 — Մի նեղանար, Փուշ բարեկամ,  
 Շատ ես կացել,  
 80 Կա՛ց մի քիչ էլ.  
 Թուղթ ըստացա երեկ Ճայից,  
 Թե՛ դուրս եկա Արաբիայից.  
 Որտեղ որ է՝ շուտով կըգա,  
 Դեռ մի բան էլ ավել կըտա...  
 85 — Ես չեմ ուզում ավելն, ախպեր,  
 Կանխիկ համրած իմ փողը բեր.  
 Շահ եք գըրել,  
 Վախտ եք դըրել.  
 Ինչ գըրած ա, էն եմ ասում,  
 90 Ձեզնից ավել բան չեմ ուզում:

- Զէ՛, աղա Փուշ,  
 Թե վաղ, թե ուշ,  
 Փողն իր կարգին, շահն իր կարգին,  
 Իսկ պատիվը... ես իմ հոգին...
- 95 Ես հույս ունեմ... ասենք պարտք ենք...  
 Բայց չէ՛ ախար մենք էլ մարդ ենք...  
 Զէ՛, քու արածն ով մոռանա,  
 Իր Աստվածն էլ նա կուրանա...
- 100 Խեղճը էսպես լեզու ածավ,  
 Շատ հույս տրվավ, շատ խոստացավ,  
 Շատ սուտ ասավ պարտքատերին,  
 Շատ ըսպասեց իր ընկերին.  
 Բայց ընկերը չըկա, չըկա :  
 — էս ի՛նչ ցավ էր. Աստված վըկա.
- 105 Ի՛նչ իմ բանն էր՝ մըտա մեջը,  
 Որ խայտառակ լինեմ վերջը...  
 Խնչպես պըրծնեմ էս կըրակից,  
 էս ահագին պարտքի տակից,  
 էլ ի՛նչ ասեմ,
- 110 Ո՞նց ըսպասեմ.  
 Նա ե՛րբ կըգա, ի՛նչ իմանամ,  
 Ո՞ր ջուրն ընկնեմ... ո՞ւմ մոտ գընամ...  
 Շատ միտք արավ,  
 Դեռ դեն թըռավ,
- 115 Ինչ որ ուներ տանը, հագին,  
 Ողջ հավաքեց, տրվավ պարտքին,  
 Յիփ մերկացավ:  
 էլ չըպըրծավ:  
 Վերջը տեսավ, որ ճար չեղավ,
- 120 Թւեր առավ, ինքն էլ փախավ,  
 Փախավ, կորավ, որ էլ էնպես,

Դատարկ, սընանկ ու սևերես,  
Ոչ պատահի պարտքատերին,  
Ոչ երևա լույս աշխարհին:

- 125 Այնուհետև իր նամուսից,  
Զըղջիկը՝ մերկ, փախած լուսից,  
Ցերեկները դես դեն թաքչում,  
Գիշերն է միշտ մըթնում թըռչում,  
Որ չերևա իր թայ-թուշին\*,
- 130 Ոչ պարտքատեր աղա-Փուշին:  
Ճայն էլ ծովում,  
Ճըչում, ծըվում,  
Զուրն է մըտնում,  
Դուրս է պըրծնում,
- 135 Թևին տալիս,  
Ման է գալիս,  
Թե մի գուցե բախտը բանի,  
Կորուստն էլ ետ ջրրից հանի:  
Իսկ Փուշն, արդեն հույսը հատած,
- 140 Ճանկ ու ատամ սուր պատրաստած,  
Կողքովն ով որ անց է կենում՝  
Քաշում է փեշն ու հարցընում,  
Թե չէն տեսել մեկն ու մեկին,  
Էն լիրբ Ճային կամ Զըղջիկին.
- 145 Ու էն օրից մինչև օրս էլ  
Մեկը մեկին դեռ չեն տեսել:

---

\* ընկերներ